

Traditiones Wizenburgenses (Ed. Glöckner) Nr. 129

Si aliquid de rebus nostris locis sanctorum vel in substantia pauperum conferimus, hoc nobis procul dubio in eterna beatitudine retribuere confidimus. Igitur ego in dei nomine Ruadlandus in amorem domini nostri Iesu Christi et remissionem peccatorum meorum, ut veniam delictis meis consequi merear in futuris, dono donatumque in perpetuum esse volo ad basilica sancti Petri apostoli, quae est constructa super fluvio Lutra in monasterio Wizenburg, ubi Erembertus episcopus seu abbas praesens videtur. Hoc est quod dono in pago Alisacinse in villa quod dicitur Bruningovilla quicquid ibidem in ipsa villa habere usus sum, tam de alode parente meo vel de qualibet adtractatu, tam terris domibus edificis pratis pascuis vineis silvis aquis aquarumve decursibus, et servum I nomine Winiger. Haec omnia et ex omnibus, sicut superius diximus, totum et ad integrum a die presente ibidem dono, ita ut et memorata basilica habeat teneat atque possideat et suis abbatibus ibidem deservientibus proficiat in augmentum. Si quis vero, quod futurum esse non credo, nos ipsi aut aliquis de heredibus nostris aut ulla obposita persona qui contra hanc paginulam testamenti venire conaverit, aut eam infringere voluerit, inferat ad partibus ipsius monasterii cogente fisco auri libram I, argenti pondus II coactus exsolvat, et quod repetit, evindicare non valeat, stipulatione subnixus. Actum publice in monasterio Wizenburg. Testes: Ruatlandus qui hanc paginulam fieri rogavit. Heithanrih. Ruadinc. Theodorih. Ego Garoinus scripsi et subscripsi.